



सा:गु भिंगु मरिचरिया नितिं लुमका दिसें !

लक्ष्मण गजाल /चिलिमि
प्रोप्राइटर

लाखा छै
LAKHA CHHEN

सोहखुटे, वडा नं. १६, येँ, फोन नं.: ४५६०७५८

ज:लाख:ला बांलात कि थ: नं बांलाइ : शाक्य विद्यासुन्दर शाक्य मन्त्री जुइमा: : श्रेष्ठ

लहना वा:पौ/श्री हल्चोक आकाश भैरव देग: लागाय् दयेकूग सांस्कृतिक भजन छै वंगु शुक्रवा: छगु ज्याइव:या दथुइ उलेज्या जुल ।

बागमति प्रदेश सभाया दुज:लिसै पूर्वमन्त्री प्रकाश श्रेष्ठया मूपाहाँसुइ जूग ज्याइवल्य उगु छै धस्वाकेत ग्वाहालि यानादीगुलिं येँ महानगरपालिकाया पूर्वमेयर विद्यासुन्दर शाक्य, नागार्जुन नगरपालिकाया कार्यवाहक प्रमुख सुशिला अधिकारी, प्रमुख प्रशासकीय अधिकृत गणेशप्रसाद अर्याल व नागार्जुन नपा ३ वडाया नाय: उमेश लामायात विशेष सम्मान या:गु ख: ।

थुकथं हे सांस्कृतिक भवन निर्माण ज्या यानादीमह सुधीर चन्द्र भालिसै हल्चोक आकाश भैरव गुठीया थीथी ज्याइव:त न्ह्याकेगु नितिं ग्वाहालि यानावयाच्चनादीमह पवन स्थापित व सुर संसार मिडियाया नाय:लिसै न्हाय् कं डटकमया प्रधान सम्पादक सुनिता महर्जनयात नं हनेज्या या:गु ख: ।

ज्याइवल्य नुग:खै तयादिसै मूपाहाँ प्रकाश श्रेष्ठ बागमती प्रदेशया १२ लाख तका बजेट सुरु जूग ज्या



सम्मानित जुयादीमह येँ महानगरपालिकाया पूर्वमेयर विद्यासुन्दर शाक्य ।

क्वचायेकेत येँ महानगरपालिकापाखे १ करोड ३ लाख स्वयां अप्व: ध्यवा ग्वाहालि याना: छै धस्वा:गु खै कनादिल । वयकलं थुगु भवनय् इचंगु नारायणयापिं वया: तक भजन या: वइगु व कार्तिक लच्छि भजन जुइगु खै नं कुलादिल ।

नुग:खै तयेगु इवल्य वयकलं येँ महानगरपालिकाया पूर्वमेयर विद्यासुन्दर शाक्य थुज्व:मह देय्या विकासया नितिं थ:त समर्पित यानाच्चनादीमह मनु आ: वइगु निर्वाचनय् ब्वति कया: संघीय संसदय् थ्यने मा:गु वयक: मन्त्री

जुइमा:गु खै तयादिल । ज्याइवल्य नुग:खै तयादिसै येँ मनपाया पूर्वमेयर विद्यासुन्दर शाक्य थ: येँ मनपाया नाय: जूग इलय् महानगरपालिका जक बांलाना मगा: थ: ज:ख:या नगरपालिका नं बांलात धा:सा जक थ:पिं नं बांलाइ धइगु तायेका: दैय् ३० करोड तक ज:लाख:ला नगरपालिकायात ग्वाहालि यायेगु ज्याइव: तयागु व वहे ज्याइव:कथं थुगु सांस्कृतिक भवन निर्माणया ज्या जूग खै कनादिल । वयकलं थ:पिसं येँया:या इलय् थीथी



सांस्कृतिक भजन छै उलेज्याय् न्वचु तसें मूपाहाँ पूर्वमन्त्री प्रकाश श्रेष्ठ ।

देय्या मेयरलिसैया डेलिगेट्सतय् स:तागु इलय् म्वा:मदुगु खर्च या:गु धइगु द्वपं व:गु तर व खर्च मखुसै लगानी जूग खै कनादिल । व लगानीया प्रतिफल कथं हे चीनपाखे लगभग ८ करोडया ग्वाहालि येँ मनपायात चूला:गु खै कनादिल ।

ज्याइवल्य नुग:खै तयादिसै नागार्जुन नगरपालिकाया कार्यवाहक प्रमुख सुशिला अधिकारी नागार्जुन नगरपालिका ३ वडा सांस्कृतिक सम्पदां युक्त थाय् जूग व थनया विकाशया नितिं थ:पिसं येँ महानगरपालिकालिसै

सहकार्य याना: ज्या याये खंगु लसताया खै जूग कनादिल ।

वयकलं नागार्जुन नगरपालिकाय् थ:पिं वयागु इलय् स्वयां यक्व भौतिक पूर्वाधार निर्माण यायेगु ज्या जूग व सीमित श्रोतया हुनिं जनताया अपेक्षाकथं ज्या न्ह्याके मफुसां थ:पिनि बजेट क:घाये फतले ज्याइव: न्ह्याका वयाच्चनागु खै तयादिल ।

ज्याइवल्य नुग:खै तयादिसै नागार्जुन नपा ३ वडाया पूर्वनाय: प्रेमलाल श्रेष्ठ थ:गु पालय् न्ह्या:गु ल्यं ७ पेजय्

मातृभाषा सम्मेलनय् पत्रकार दबूया नृपेन्द्रलाल श्रेष्ठ व राजु नापित सम्मानित



लहना वा:पौ/ दक्षिण एसियाय् बहुभाषा समाजय् लोप जुया वनाच्चंगु भाषा व संस्कृति संरक्षणय् पत्रकारिताया भूमिका बारे सहलह यायेगु नितिं भारतया नालन्दा खुल्ला विश्वविद्यालय अन्तर्राष्ट्रिय मातृभाषा पत्रकारिता सम्मेलन क्वचाल ।

सार्क जर्नलिस्ट फोरम इन्टरनेशन भारतया विहार च्याप्टर अमरपाली कला-साहित्य सम्मेलन व मानवअधिकार टुडेनाप सहकार्य यासे उगु सम्मेलन जूग ख: । पत्रकारिता केवल सूचना

प्रवाहया माध्यम जक मखुसे मातृभाषा संरक्षणय् स: तयेगु छगु हतियार नं ख: धइगु सम्मेलन निष्कर्ष पिका:गु खै सम्मेलनय् ब्वति कयादीमह नेवा: पत्रकार राष्ट्रिय दबूया केन्द्रीय अध्यक्ष नृपेन्द्रलाल श्रेष्ठ धयादीगु दु ।

सम्मेलन पत्रकारिता मातृभाषा बचे यायेगु नितिं दक्षिण एसियाया पत्रकार दथुइ थवं थवय् ज्ञान, सीप व अनुभव न्हयब्वयेगु थाय् जूग अध्यक्ष श्रेष्ठ धयादीगु ख: । मातृभाषा लोपोन्मुख जुया: वनाच्चंगु थौया ल्यं ७ पेजय्



NIC ASIA MoBank मा छन् अनेकौ सेवाहरु

NEA, Flight Ticket, Government Payment, TV/Internet, Khanepani, Cable Car, Insurance, EMI, College Payment, Bus Ticket, Fund Transfer, Credit Card, Apply for Share, Topup, Cardless Withdraw, Demat

आजै NIC ASIA MoBank download गर्नुहोस्

28th Anniversary

CUSTOMER CARE: 01-5970101 customercare@nicasiabank.com



नेवा: राष्ट्रिय म्ये

चमि : दुर्गालाल श्रेष्ठ लय चिनामि : तिर्थ माली

धुन देने धुन सँन्त्यलं भी फुक्कं हे छम्ह जुइ धुन भीगु लागाय भी स्वयं हे जः जुया धुन लुइ धुन ह्यांगु भुमिइ अष्टमण्डल ह्यांगु चाः दुने थी नगु भीगु नेवाः ध्वाँय थ्व हे खः ज्यान भी सकस्यां छगु जातितय स्वायत्त राज्य लुइ कप च्वय भिलिमिलिं राष्ट्र भःभः धायक न्त्याके भीगु चःति भीगु हिं

सम्पादकीय

भाषा म्वाकेगु बहसय पत्रकार

पत्रकारिताया छगु माध्यम खः भाषा म्वाकेगु। गुकियात

मिसन पत्रकारिता धाइ। भासाया बारे सार्वजनिक सरोकार नापं समसामयिक विषयया सूचं लिसे विचाः न्त्यब्वयेगु ज्या भाषिक पत्रकारिता खः। पत्रकारिता पाखे भाषा संरक्षण यायेत माःगु भूमिका म्हितेफु। भाषिक पत्रकारिता यानाच्वंपिसं हे भाषा म्वाकेगु नितिं तिबः बियाच्वंगु दु। अथेजुयाः पत्रकारिता समाजय सुचं सम्प्रेषण यायेगु नापं भाषा म्वाकेगुलि तःधंगु महत्वपूर्ण भूमिका म्हिताच्वंगु दु। नेपालय भाषा पत्रकारिताया बहस छु दँ न्त्यवं निसँ न्त्याःगु खनेदु। तर पत्रकारिता ख्यलं भाषाया बिकास यायेत माःगु भूमिका धाःसा म्हिते फयाच्वंगु मदु।

नेपालय थीथी मातृभाषां पत्रकारिता न्त्याका वयाच्वंगु दु। पत्रकारितायात कया राष्ट्रिय व अन्तर्राष्ट्रिय सम्मेलन ज्याभ् वः न जुइ धुंक्कगु दु। अज्याःगु ज्याभ्वाःपाखे युनेस्कोनिसे थीथी अन्तर्राष्ट्रिय फोरमय तक बहस, सहलह व सम्मेलन जूगु नं सकारात्मक कथं कायेमाः। नेपाः थें बहुभाषिक, बहुसांस्कृतिक समाजय थज्याःगु बहसं राज्यय प्राथमिकताय मलाःगु थीथी भाषाय नं पत्रकारिताया प्रवर्द्धन व भाषा संरक्षण यायेगु नितिं अझ योगदान याये फइगु लकस तयार जुइफु।

छुं नं भाषा छन्हुं दयेके फइमखु। मानव समाज विकास जुइगु इवल्य प्रकृतिनाप संघर्ष यासे ढलंढः दँय छगु भाषा दयके फइ। भाषाया उत्पत्ति नापं मन्तयेगु भावना, विचाः व अभिव्यक्ति याउँक हिलेफइ। तर भाषाया भूमिकायात थुलि तक जक थुइकां मगाः।

ढलंढः दँ दुने उत्पत्ति जुगु भाषा व उगु भाषा छ्यलेत मानव समाज विकास याःगु अप्वः धइथे ज्ञानया संग्रह नं भाषा हे खः। जीवनय उपयोगी अप्वः थे व्यावहारिक ज्ञाननिसे उकिइ याइगु अविष्कार नाप प्रविधि, दर्शन, संस्कार, परम्परा दक्वं हे भाषाय दुथ्यानाच्वंगु दु। मन्तयस बिचाः याइगु तरिका, समाज याइगु व्यवहार नं वहे भाषाय दुथ्यानाच्वंगु दइ।

भाषा तना वनेवं उगु ज्ञानया भण्डार, मन्त म्वायेगु भ् वलय प्रकृतिनाप उमिसं यानाच्वंगु संघर्ष, जीवनया नितिं विकसित जूगु ज्ञान नं तनावनी। छुं नं छगु भाषा तन धाःसा उकिया सभ्यता व ज्ञान तना वनी। छुं नं छगु भाषा सीत धाःसा हलिमय मानव जातिया सभ्यता व ज्ञान नष्ट जुइ। अथे जूगुलि भाषाया संरक्षण यायेगु धइगु मानव सभ्यताया मेगु छगु ब्वः खः धकाः थुइकेमाः।

राज्यया उत्पत्ति नापं राज्यया प्राथमिकताया कारणं छुं नं भाषाय छ्यलातःगु व्यापकता व छुं नं भाषा लोप जुइगु अवस्थाय थ्यंगु धइगु नेपालय जक मखु हलिन्यक जुयाच्वंगु दु। भाषा म्वाकेगु अभियान आः पत्रकारिताया माध्यमपाखे न बहस जूगुयात सकारात्मक कथं कायेमाः।

नेपालय जक लगातार मातृभाषा पत्रकारिताया बहस जूगुलि आः भारतया विहारस्थित नालन्दा खुल्ला विश्वविद्यालय तक वंगु पुस २१ व २२ गते निक्कःगु अन्तर्राष्ट्रिय मातृभाषा पत्रकारिता सम्मेलन क्वचाःगु दु। उगु सम्मेलनय भाषा म्वाकेगु निति पत्रकारिता, साहित्य ख्यलय न्त्यलुवातयगु नं व्यापक ब्विति दुगु खः।

नेवाः आजु, आजु मवनि

भूषण सिंह

रेडियो नेपालया इतिहासय हाकनं छक्कः हाकगु सुपौय ब्वःगु बुलुहुं खने दयाच्वंगु दु। राणाशाहीया १०४ दँया शासनयात क्वथलेत राजधानीया नेवाः समुदाययात लँय क्वःकायेत तःधंगु जनचेतना ब्वलंकःगु थ्व रेडियो पलिस्था जूगु थ्यमथ्यं जंक्क यायेत्यंगु ई न्त्यःनेवःगु दु। थज्याःगु बांलागु साइतय जंक्कः यायेगु पलेसा सरकार पीदँ न्त्यःने जक प्रसारण याःगु नेपाल टेलिभिजनयात नं छधि यानाः सार्वजनिक सेवा प्रसारण, नेपाल अर्थात् पीएसबी, नेपालया नाम दँछि न्त्यः पलिस्था यायेधुंका वः ह्वःताः चुलाये मफइगु जूगु दु। अथेजुयाः बामलाक्क इतिहासयात लँया आखःतिं च्वयातःगुयात न्त्याबलेया नितिं खिखांमुथाय वॉल्वइगु लकस ब्वलनावःगु खः।

थ्व रेडियो नेपाल खः, आः नेपालभाषाया समाचार न्यनादिसँ, रचना श्रेष्ठपाखँ। धैगु नेपालभाषाया समाचार ब्वनादिमहः ३५ दँ तक थःगु मांभाय पाखँ नेवाः समुदाययात सूचित व मनोरञ्जना यानादिमहः वय्कः उपसम्पादक (७ औं तह) तक सेवा यानाः अनिवार्य अवकाशय वनादिल। खयत ला वय्कः नं २०४६ सालया न्हापांगु जनआन्दोलन लिपा सहिदया जहान जुयादिगुलि न्ह्यु प्रजातान्त्रिक सरकार वय्कःयात करारय ज्या यानादीगु खः। लिपा वय्कलं स्थायी दरबन्दीइ वय् कलं ५ औं तहया परीक्षाय पास यायेधुंकाः स्थायी समचारवाचिका व सम्पादकया रूपय ज्या यानादीगु खः। वय्कः नेवाः समुदायया लिपाः उपसम्पादक जक मखु स्थायी दरबन्दीयाया नं लिपांमह कर्मचारी जुइत्यंगु दु। वय्कः जक मखु नेपालभाषाया उन्नति, प्रवर्द्धन, म्हासिकालिसँ नेवाः दर्शन, साहित्य, संस्कृति, तजिलजि, कला इत्यादियात नाँजाःपि पत्रकार, भाषाथुवा, संगीतकार, साहित्यकार, म्ये हॉलमिपिस नं योगदान यानादिगु खः। तर उबलेया न्त्यलुवाःपिं गजाधर माथेमा, हरि श्रेष्ठ, ध्रुव मधिकर्मा, रचना श्रेष्ठ, रुवि श्रेष्ठ व उपेश महर्जनपिनिगु हि, चःति आः याकनं चःबिइ चुइकाः छ्वइगु प्रपञ्च जुयाच्वंगु दु।

१०४ दँया जहानियाँ राणा शासनयात चिकेत २००७ सालय विराटनगरय रेडियो नेपाल (प्रजातान्त्रिक नेपाल रेडियो) पलिस्था जूगु इलनिसँ पञ्चायतया हाकगु कालय बाहेक न्त्याबलेनेवाःतयगु नुगःया ढुकढुकी खः। उबलय नेपालभाषाया समाचार ५ मिनेट प्रसारण जुइगु खः। अँग्रेजी भाषाया नं ५ मिनेट खः। नेपाली (खय) भाषा व हिन्दी भाषाया जक १०, १० मिनेट खः। उबलय मात्रिसं प्यथोत्याः जक प्रसारण जुइगु खः।

आः वयाः नीप्यथो जुइधुकल। केन्द्रीय व प्रादेशिक प्रसारण तक जुइधुकल तर नेपालभाषाया ई धाःसा औपचारिक रूपं आः तक नं १० मिनेट तिमि। व नं न्हिछि छक्कः जक प्रसारण। अथे तुं जीवन दबू १५ मिनेट प्रसारण जुइगु कथं वि.सं २०२२ साल वैशाख १ गतेनिसँ न्त्याःगु जीवन दबू खुँद मदेयकं हँ पञ्चायती कालं बन्द यानाबिल। पञ्चायत न्हने धुंकाः तिमि हाकनं नेपालभाषाया समाचार न्त्यात। आः जीवन दबू थ्यमथ्य ४० मिनेट तक बुधवाः पतिकं जःछि धुंकाः सनिलया ४ ताः इलय बागमती प्रादेशिक प्रसारण जुयाच्वंगु दु। लिसँ आइतवाः पतिक जःछि धुंकाः १० इलय ह्युयाःया नुगः सः प्रसारण जूगु नं दँछि दइन। तर, ज्याभ्वःया ई, ज्याभ्वःया ल्याः, ज्याभ्वः वःया धलः स्वयेबलय नेवाःतयत आःतक नं

अन्याय व अत्याचार जुयाच्वंगु तायेकाच्वंगु दु।

धाइ वास्तवय रेडियो नेपालयात हलिन्यक न्यकेत नेवाः समुदायया आपालं योगदानलिसँ हि, चःति हायेकगु दु। न्हापांमह म्ये हालामिं कोइलि देवीलिसँ नारायण गोपाल, शुभशंकर व संगीतकार नकर्मिपिस तक रेडियो नेपालया तरंगयात तरंगित यानादीगु खः। न्येगु लकस, नेवाःमय, म्हासिका बिइगु कथं दयेकगु खः। तर थौं वयाः न्ह्यु संस्थाया नाम पलिस्था जूगु थ्व पीएसबी, नेपालया विनियामावली नेवाः समुदायया भावनाय अतिकं ग्यानापुगु कासा म्हिताच्वंगु दु। धायेबलय राम राम, म्हिचाय चुपि, धइथें नेपाःया संविधान २०७२ या प्रस्तावनाया मू मर्म व भावना अःखः वनाच्वंगु दु। आःया छुँ ई लिपा रेडियो नेपालया पुलागु नियामावली दुगु दरबन्दीयात सदाया नितिं बन्दी यायेत्यंगु दु। उकिं रचना श्रेष्ठ लिपाः नेवाः पत्रकार, नेवाः समाचारवाचिका, नेवाः उपसम्पादक, नेवाः ज्याभ्वः न्त्याकाःमिं जुइगु पक्कापक्की खः। रेडियो नेपाल व नेपाल टेलिभिजनय छम्हः नं नेवाः भाषाप्रिमि आः जक मखु गुबले नं स्थायी पदपूर्तिपाखें जागिर नये फइमखुत। जंक्कः जुइबलय मचा बुइबलय धः भाःपिउ थें धः धकाः हनि तर थन रेडियो नेपालय नेवाःतयत धः मखु मेगु हे यायेत्यंगु दु।

धाइ, नयाच्वंगु सेवा सुविधा गबले नं सुना नं लाका कायेफैगु मखु। तर नेवाःत अतिकं लाटा जुयाः खः वा सोभा जुयाः खः, वास्तविक धः जुइगु इलय धःया कुने लिक्नुयेत्यंगु पाय्छी मखु। धायेगु खःसा नेवाःतयगु प्राणप्रतिष्ठालिसँ हि, चःति जक नेपाःया फुक्क आन्दोलन सुथां लाःगु खः। तर सरकार दयेकेगु इलय, कार्यपालिका, व्यवस्थापिका, न्यायपालिका जक मखु, पत्रकारिताया ख्यलय न्त्याबले ल्युने लाइ वा ल्युने लाकिगु याइ। नेवाः धाईपिं हे ध्यबा कमे याईपिं साहु त धाइ। तर आः फुक्क ख्यलं नेवाःत ल्युने लायेधुकल। गासः वास, कपास, शिक्षा, स्वास्थ्य व लजगाः तकं नेवाःतयसं छम्हः नेपाःमिं नागरिकं कायेफैगु फुक्क संवैधानिक हक अधिकार छ्यलेफयाच्वंगु मदु। राजनीतिक रूपं न्त्याबले राजधानीया पुलापिं बासी जूगुलिं विद्रोही स्वभाविपं धकाः मेपिसं ग्वाःकाः भीतं आन्दोलनय क्वकाइ तर आन्दोलन सुथां लायेधुंकाः फ्वसी सूवःनिपिं ग्याफरा धकाः मनोवैज्ञानिक रूपं क्वत्यली। धाथें नेवाःत अथे हे खः ला ? ग्याफरा, पाक, लाटा, सोभा, हालेमफुपिं, मस्युपिं, अचेत मनुत हे खः ?

पञ्चायतकालय जीवन दबूयात १५ मिनेट जक प्रसारण याःबलय नेवाःतयसं प्रजातान्त्रिक हक अधिकारलिसँ व्यवस्था हे हिकेगु कथं सः थ्वयेकइ ला धकाः जीवन दबूया जीवन हे स्यानाब्यूगु भिगु न्त्यःने दु। नेवाः दर्शन, साहित्य, संस्कृति, कला व भाषापाखें उबलेया निर्दलीय पञ्चायती व्यवस्था ग्याइगु स्वाभाविक खः। छगु जाति, छगु भाषा, छगु संस्कृति व छगु भेष धकाः मू खँपुइ न्त्याःवनीगु पञ्चायती व्यवस्था उबलय याःगु पाय्छी खः। तर नेवाःतयसं थःपिनिगु भाषा म्वासा जक नेवाः जाति नं म्वाइ धकाः ध्वाकुफय हयेगु कथं भाषा आन्दोलन तक यानाः पञ्चायती व्यवस्थायात क्वथलेगु न्हापांगु मत (भिक्को) जुल। २४ दँ लिपा थुकिया हे लिच्वः कथं नेवाःतयस् जुजु नापं दुगु निर्दलीय पञ्चायती व्यवस्थायात क्वःथलेत मू शक्ति जुल।

संवैधानिक राजतन्त्र दुगु बहुदलीय

व्यवस्था, गणतन्त्र नेपाःया ई तक रेडियो नेपालं २५ गू भासं समाचार व ज्याभ्वः न्त्याकाच्वंगु दु। तर विडम्बना, ७६ वर्ष तक नेवाःतयसं थःगु म्हासिका दुगु नेवाः प्रदेशया नितिं आन्दोलन यात। पुस १४ गते नेवाः एकता दिवस धकाः नं दँपतिकं तजिक ज्याभ् न्वः यानाः नेवाः स्वायत्त प्रदेशया इनाय यानाः थीथी थसय सः थ्वयेकाच्वंगु खः। तर थुगुमी नेवाः देय दबूया तःमुँज्याया तयारी, जेनजी आन्दोलन, चुनावया त्वहः तयाः तजिक ज्याभ्वः मयासँ विचाः गोष्ठी जक यायेत्यंगु दु। थ्व धैगु नं नेवाःतयत सचेत यायेमाःगु इलय भन् कोठे गोष्ठी लिक्नुनाच्वंगुयात छु धायेगु ? नेवाः प्रदेशया न्त्यसः भन् प्रकारान्तरय बयबय जुइमाःगु खः। संघीय सरकार थें नेवाः ताम्सांलिगं प्रदेश अर्थात् नेवाः व तामांग बाहुल्य दुगु बागमती प्रदेश सरकार नं नेपालभाषा व तामाङ भाषायात औपचारिक सरकारी मान्यता बिइधुंक्नु अवस्था दु। थज्याःगु अवस्थाय नेपाःया संविधान कथं रेडियो नेपालं नं संघीय प्रसारण व बागमती प्रादेशिक प्रसारणय सांगठनिक व व्यवस्थापकीय ज्याकू तक न्त्याकेधुंक्नु नं आपालं दँ दयेधुकल।

पीएसबी, नेपालं म्हासिकाया लिधंसाय नेपाःया संघीयता न्त्याःवनेधुंक्नु अवस्थाय भन् नेवाः व तामाङ समुदाययात संघीयतापाखें क्वातुक कःधायेत दरबन्दी न्हूधाः यायेमाःगु, अन ज्याः यानाच्वंपित स्वायेफवाये यानाः छक्कः आन्तरिक धेंधेंबल्ला यानाः स्थायी यायेमाःगु, ज्याभ् वःया ई व ल्याः अप्वयेकेमाःगु, संघीय लोकतान्त्रिक गणतन्त्रयात धिसिलाक्क जनजीवनय वाचायेकेत बः बीमाःगु, म्हासिका, कानुनी राज, नागरिक सर्वोच्चता, पूर्ण लोकतन्त्रयात प्रत्याभूत यायेमाःगु, सेवाः सुविधा तनेमाःगु, नेवाः व तामाङया विभाग वा महाशाखा पलिस्था यानाः प्रसारण यायेमाःगु, नीजि संस्थानापं धेंधेंबल्ला यायेफैगु कथं क्षमता अप्वयेकेमाःगु इलय दरबन्दी हे लिक्नाः लिपाः पञ्चायती कालय थें हाकनं नेपालभाषाया समाचार व जीवन दबू थें जुइमखु धकाः धायेफै मखु। वल वल फसि क्वाः वा न्त्याम्हे वःसां न्हायपनय प्वाः दुम्हः जोगी धाथें जक मखु थ्व ला बहुराष्ट्रिय, बहुजातीय, बहुधार्मिक व बहुसांस्कृतिक दे नेपाःया आदिवासी जनजातिया नैसर्गिक व संवैधानिक हक अधिकारया अःखः दु। थ्व ला भाषिक आन्दोलनया कथं प्रतिक्रान्ति हे खः।

रेडियो नेपालया न्ह्यु विनियमावली नेवाःलिसँ थीथी २३ आदिवासी जनजातिया भाषिक अधिकार क्वत्यलाः संघीय सरकार व प्रदेश सरकारं प्रत्याभूत याःगु अधिकार तक लाकाः कायेत्यन धकाः नेवाः देय दबू, वर्ल्ड नेवाः अर्गनाइजेसन, नेवाः राष्ट्रिय मुक्ति मोर्चा, नेपाल पत्रकार महासंघ, आदिवासी जनजाति पत्रकार महासंघ, नेवाः राष्ट्रिय पत्रकार दबू जक मखु भाषा आयोग, आदिवासी जनजाति आयोगया पदाधिकारीपित नं आपालं थ्व खँ ब्याकूसां तबि ध्यान साःगु मखुनि। छम्हः ताः, मेम्ह तिं यानाः मखु, भीगु नेवाः म्हासःयात पूर्वकेत नं छपँछधि यानाः नेवाः एकता दिवसया सन्दर्भय थ्व मेगु स्यैलागु नेवाः नुगः खः धका सकलं वा चायेकेमाः। नेवाः जुयागु गर्व नेवाः एकता नं, जीवन धैगु रेडियो नेपालया जीवन दबू नं आः तक खः।

सरकारं जीजरं पिने वयाः समुदाययात हकहितया नितिं नीस्वंगु संस्था पीएसबी गथे यानाः जुइ फइ।





मध्यावधि निर्वाचन: हाकनं त्रिशंकु संसदया सम्भावना



डा. विद्युप्रकाश कायस्थ

थौकन्हय सत्ताय् चर्चिपसं राष्ट्रिय हितया फुक्क महत्वपूर्ण खँयात बेवास्ता याना: नेपा:यात छपला: न्हय:ने व निगू पला: लिउने यंकाच्चंगु दु। नेपा:या थीथी प्रमुख समस्या थुकथं ख: १) धस्वाये मफुगु अन्तरिम सरकार, २) संसद विघटन, व ३) २०८४ य् जुझमा:गु प्रतिनिधिसभाया चुनाव २०८२ साले जुझु। भ्रष्टाचार मुक्त सुशासन व ता: ई न्हयवनिसें देसं फये मालाच्चंगु राजनीतिक अस्थिरता। थौकन्हय् देय् न्हय:ने गम्भीर न्हयस: ब्वलनाच्चंगु दु। २१ फाल्गुन २०८२ य् प्रतिनिधिसभाया दुज:या आम निर्वाचनया लिच्च जेन-जी विद्रोहया जायज मागयात सम्बोधन याये फइ ला ? आ: जुझु २०८२ या आम निर्वाचन विसं २०८४ य् जुझु ५ दँया आवधिक निर्वाचनया थासय् जुझु मध्यावधि निर्वाचन ख:। भाद्र २०८२ य् जूगु नवयुवातय्यु त:धंगु विरोधयात सामना याये मफुगुलिं प्रधानमन्त्री केपी शर्मा ओली पद त्व:ता: बिसिउँ वन। नेपालय् बहालवाला प्रधानमन्त्री पद त्व:ता: बिसिउँ वंगु थ्व न्हापांगु घटना ख:। सरकार क्व:दल। संसद विघटन जुल। भ्रष्टाचार, कुशासन व आर्थिक समस्यां याना: नवयुवापि निराश जुल। थ्वयां लिपा ११४ गू स्वयां अप्व: राजनीतिक दल दर्ता जूगु ख:। नवयुवा आन्दोलनकारीतयसं आपालं न्ह्यु पार्टीत नीस्वन। मतदाता १ करोड ८९ लाख स्वयां अप्व: दु। न्यागू लाख स्वयां अप्व: न्हूपिं मतदाता खनेदूगु दु। थुगु चुनाव २०७५ सिट दुगु प्रतिनिधिसभाय् सत्ताया निर्तिं पुलांगु दलतय् दथुइ 'म्युजिकल चेर' गठबन्धनया परम्परा हिलेफु। थ्व पूर्वानुमान भाद्र २०८२ विद्रोह लिसेया लिपांगु राजनीतिक प्रवृत्तिइ आधारित ख:। पुलांगु व न्ह्यु फुक्क पार्टीया आन्तरिक द्वन्द्वय् दु। गठबन्धन दयेकाच्चंगु दु अले त्वा:दला: नं च्वंगु दु। आ: तकं पूर्वक ओपिनियन पोल पिहां मव:नि। तर संचार माध्यम व विज्ञया विश्लेषण पुलांगु पार्टी प्रति जन विमोह क्यनाच्चंगु दु।

निक्व:गु जनआन्दोलन लिपा दयेकाच्चंगु संसदत थें २०७९ या चुनावय् नं मेगु त्रिशंकु संसद पिहां वल। छुं नं दलयात बहुमत मव:। छू लीपा मेगु अस्थिर गठबन्धन दयेका: पतन जुल। जेनजी विद्रोहया हुनिं ओलीया नेतृत्वय् नेकपा एमाले-नेपाली काँग्रेसया गठबन्धन सरकार पतन जूगु ख:। विरोध प्रदर्शन भ्रष्टाचार, थ:थीतवाद



व अयोग्य नेतृत्वया उजागर यात। अन्तरिम प्रधानमन्त्री सुशीला कार्कीया सरकारं निष्पक्ष निर्वाचनयात प्राथमिकता ब्यूगु धा:सां नं सुरक्षा प्रत्याभूति मदयेकं निष्पक्ष जुझु खँय् च्यूता: ब्वलंगु दु। नेपाली काँग्रेस व नेकपा एमाले थेंज्या:गु तत:धंगु पार्टीतयसं ग्यारेन्टी माग या:गु दु।

मैदानय् खने दयाच्चंगु दलत मध्ये राष्ट्रिय स्वतन्त्र पार्टी (रास्वपा) दकलय् न्हय:ने खनेदु। २०७९ सालय् भ्रष्टाचार विरोधी शक्तिया रुपय् रास्वपा गठन जूगु ख:सां थौकन्हय् उकिया अध्यक्ष रवि लामिछानेयात छू दर्जन स्वयां अप्व: ठगीया मुद्दा जुयाच्चंगु दु, गुकिं याना: वय्क:यात थुगु मध्यावधि चुनावय् तकं चुनावय् वने मफइगु अवस्था ब्वलनेफु।

बालेन शाह व कुलमान घिसिङ थेंज्या:पिं लोकंहवा:पिं व्यक्तित्वतलिसे छुपै जुया: आरएसपी थ:त बल्लाकल। रास्वपा बालेन शाहयात प्रधानमन्त्रीया उम्मेदवार दयेक्यु दु। तर न्ह्यु समीकरण बहुमत काइगु सम्भावना मदु। थुगु समीकरणय् साभेदारतय् दथुइ शक्ति साभेदारीया सन्तुलन ता: ई तक दयाच्चनीगु सम्भावना मदु। विगतय् थें आ: नं त्रिशंकु संसद जुझु सम्भावना दु। गठबन्धन सरकार अस्थिर जुझुफु। तर, २०८२ सालया चुनावय् गठबन्धन ७० निसें ८५ सिट त्याके फइगु अनुमान या:गु दु। थ्व ४९ निसें ६४ सिट अप्व:गु ख:। २०८२ सालय् विघटन जूगु संसदय् रास्वपाया समानुपातिक मत १०.७ प्रतिशत जूगु ख:। मध्यावधि चुनावय् रास्वपा दोब्बर जुझु अनुमान या:गु दु। यँया प्रत्यक्ष निर्वाचनय् त्याइगु सम्भावना दु। २०७९ सालय् नेपाली काँग्रेस

८८ सिट त्याक्यु ख:सा २०८२ या मध्यावधि थुकिया हिस्सा ६५ निसें ७५ सिटय् कुहां वयेफु। थुकिया अर्थ १३ निसें २३ सिट म्हो जुइ। गामय् बल्ला:गु आधार दुगु नेपा:या दकलय् पुलांगु लोकतान्त्रिक पार्टी ख:। तर भ्रष्टाचार काण्ड व मतदाता उदासीनतां याना: नोक्सानी जुयाच्चंगु दु। युवा मतदातातयसं थ्व पार्टीयात पुलांगु तायेकाच्चंगु दु।

नेपाल कम्युनिष्ट पार्टी (एमाले) २०७९ सालय् ७९ सिट त्याक्यु ख:सा थुगुसी एमाले ५५ निसें ६५ सिट त्याकीगु अनुमान या:गु दुसा थुकिया अर्थ १४ निसें २४ सिट म्हो जूगु ख:। के.पी. ओलीया एकल नेतृत्वय् २०८२ सालय् समानुपातिक मत २७ प्रतिशत जूगु ख:। आन्तरिक विभाजन थौकन्हय् एमालेयात कमजोर या:गु दु। निरंकुशतावादया द्वपं नं वयाच्चंगु दु। शहरी लागाय् सिट म्हो जुझुफु।

प्रचण्डया माओवादी केन्द्र मेमेगु चिचीधंगु वामपन्थीतलिसे जाना: नेपाली कम्युनिष्ट पार्टी गठन या:गु दु। सन् २०२२ य् ३२ सिट दुगु ख:सा न्ह्यु साभेदार पार्टीया १० सिट दुगु ख:। सन् २०२६ य् ३० निसें ३५ सिट दइगु अनुमान या:गु दुसा विगतय् नं गठबन्धन सरकार गठन व नेतृत्व या:गु प्रचण्डया प्रमाणित ट्याक रेकर्ड दु। वय्कल संसदय् फुक्क धइथें दललिसे गठबन्धनया नेतृत्व यानादीगु दु। २०७९ सालय् समानुपातिक मत ११ प्रतिशत जक जूगु ख:सा नं प्रचण्ड छू लीपा मेगु गठबन्धन सरकारया नेतृत्व या:गु दु। प्रचण्डया थ:गु हे अनुभव २०८२ सालया चुनाव लिपा हाकनं माओवादीयात सत्ताय् हयेफइगु अनुमान या:गु दु।

२०७९ सालय् राजतन्त्रवादी राष्ट्रिय प्रजातन्त्र पार्टी १३ सिट त्याक्यु ख:सा सन् २०८२ य् १५ निसें २० सिट त्याकेगु अनुमान या:गु दुसा थुकिया अर्थ २ निसें ७ सिट अप्व: त्याकेगु अनुमान या:गु दु।

मधेश केन्द्रित दलतयसं संघीयता व समावेशीताया माग या:गु दु। थुपिं तराई-मधेशय् केन्द्रित जुयाच्चंगु दु। विघटन जूगु संसदय् इमिगु थ्यंमथ्यं २५ सिट (८ प्रतिशत) दुगु ख:। सन् २०८२ य् गठबन्धन व मत स्वया: २० निसें ३० सिट त्याकीगु अनुमान या:गु दु।

मेमेगु पार्टीइ श्रम संस्कृति पार्टी थेंज्या:गु न्ह्यु पार्टी व राष्ट्रिय जन्मुक्ति पार्टी थेंज्या:गु पुलांगु पार्टी दुथ्या:। थुगुसीया चुनावय् थ्व पार्टीतयसं ३ निसें ५ सिट कया: संसदय् प्रवेश यायेगु अनुमान दु।

रास्वपा भ्रष्टाचार नियन्त्रणय् ब: बिया: सुधारवादी सरकार दयेकेफु। मखुसा नेपाली काँग्रेस, एमाले वा माओवादी हाकनं गठबन्धन मार्फत सत्ता कब्जा यायेफु। सुधार कार्यान्वयन मयात धा:सा अस्थिरता अभ् अप्वया वनीगु व देय्या विकास दिकेफु। युवा आक्रोशं ह:गु थ्व अवसरयात बालाक सदुपयोग मयात धा:सा पुलांगु अस्थिरता लिहां वयेफु। चुनाव लिक्क वयाच्चंगु इलय् सर्वेक्षण स्वयेबलय् जक थुगु अनुमान स्पष्ट जुइ। तर चुनावया लिच्च: न्ह्या:गु हे जूसां च्वय् न्हयथनागु न्हयस:त अनुत्तरित जुयाच्चनी। आ: जुइत्यंगु प्रतिनिधिसभाया दुज:तय्यु आम निर्वाचनया लिच्च राजनीतिक अस्थिरतायात त्वा:थलेगु व जेन-जेड विद्रोहया जायज मागयात सम्बोधन यायेगु सम्भावना मदु।

२०७९ सालय्
भ्रष्टाचार
विरोधी शक्तिया
रुपय् रास्वपा
गठन जूगु
ख:सां थौकन्हय्
उकिया अध्यक्ष
रवि लामिछानेयात
छू दर्जन स्वयां
अप्व: ठगीया
मुद्दा जुयाच्चंगु
दु, गुकिं याना:
वय्क:यात थुगु
मध्यावधि चुनावय्
तकं चुनावय् वने
मफइगु अवस्था
ब्वलनेफु।

100% Vegetarian
Sweet Cave
Sweets - Namkeen - Fast Food

Sweet Cave
(जीवन दाईया पस:)
Kalimati, Kathmandu, Nepal
Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस्।
आउटडोर भेज क्याटरिङ पनि गरिन्छ।

हरेक मंगलवा:
राष्ट्रियताको लागि समर्पित

मेरो साप्ताहिक
मन्त्रा साप्ताहिक **Mero Saptahik**

माला: माला: ब्वनादिसें।

पवन जोशीया 'रक्तदान जीवनदान' पिहां वडगु



लहना वाःपौ/ बरिष्ठ कलाकारलिसें च्वमि नाप निर्देशक पवन जोशीया च्वसां पिज्वःगु १ सय १८ पु धलखय् लाःगु म्ये 'रक्तदान जीवनदान' जागरण म्येया रिकार्डिङ ज्या क्वचाःगु दु। थुगु म्ये पुलिस क्लबय् च्वंगु अन्नपूर्ण रेकर्ड स्टुडियोसं

रिकार्डिङ जूगु खःसा थुगु म्येया रिकार्डिङ, मिक्सिङ व माष्टरिङया ज्या विजय मास्कीं यानादीगु खः।

जागरण म्ये 'रक्तदान जीवनदान' म्येया लय् चिनामिलिसें संगीत संयोजक अनिल तुलाधर खःसा थुगु म्येया राजु सिखाकार व समा डंगोल

सः बियातःगु खः। ब्लोदानया विनोद तुलाधरया संयोजकत्वय् रिकार्डिङ जूगु जागरण म्ये 'रक्तदान जीवनदान' याना हे म्यूजिक भिडियो निर्माण यानाः पिथनीगु जूगु दु।

जागरण म्ये 'रक्तदान जीवनदान'या म्येच्वमि पवन जोशी 'ज्ञान-सिप व संस्कार धार्मिक सफू दुने जक दइ, छुं न साहित्ययात ध्यान बियाः अध्ययन यायेफत धाःसा शिक्षा, संस्कार व मानवीय कर्मया आभाष जुइ, समाज प्रतिज्ञा जिम्मेवार दायित्व वहन याइ, थ्वहे मानवीय धर्म खः धैगु अभिव्यक्त यायेत ताःलाःगु म्ये खः 'रक्तदान जीवनदान' धकाः धयादीगु दु।

म्येच्वमि जोशी धयादीगु दु, 'जन्म जुइ धुंकाः मृत्यु प्राकृतिक नियम खः, तर म्वायेगु ई दुपित म्वाकेगु सपुतया कर्म खः। थ्वहे सन्देश जागरण म्ये रक्तदान जीवनदान दुने दु।'

सार्क जर्नलिस्ट फोरम बागमती प्रदेश संयोजकय् राजु नापित



लहना वाःपौ/ सार्क जर्नलिस्ट फोरम, नेपाः च्याटरपाखे नृपेन्द्रलाल श्रेष्ठ व भारतपाखे शशिभूषण कुमारया न संयोजकय् राजु नापितयात ल्यःगु

दु। भारतय् सार्क जर्नलिस्ट फोरमया मुँज्यां न्हयगु प्रदेशया संयोजकपि ल्यःगु खः।

अथे हे मधेश प्रदेशय् साउद मलिक, कोशी प्रदेशय् भोला श्रेष्ठ, सुदुरपश्चिम प्रदेशय् करण ताम्रकार, गण्डकी प्रदेशय् रुद्र श्रीस मगर व लुम्बिनी प्रदेशय् दशरथ धिमिरेयात ल्यःगु दु।

मुँज्याय् केन्द्रीय अध्यक्ष राजु लामा, महासचिव एमडि अदुर रहमान नापं नेपाः च्याटरपाखे नृपेन्द्रलाल श्रेष्ठ व भारतपाखे शशिभूषण कुमारया न ब्वति दुगु खः।

क्यानया ३१ क्वःगु स्थापना दिवस हन

लहना वाःपौ/ राष्ट्रिय विभूति अरनिकोया स्मृति दिवस नापं नेपाल व्यवसायिक कलाकार संघ (क्यान)या ३१ क्वःगु स्थापना दिवसया भूवल्य वरिष्ठ चित्रकार मदन चित्रकार लगायत १५ म्ह कलाकारतय्त सिरपाः बिउगु दुसा छम्ह कला व्यवसायीयात हंगु दु।

ज्याभूवल्य सुरेन्द्र प्रधान दीर्घ कला-साधक सिरपाः वरिष्ठ चित्रकार मदन चित्रकारयात लःल्हागु खः। अथे हे क्रोधकला शिरोमणि सिरपाः वरिष्ठ कलाकार हरिप्रसाद वैद्य, मुल्मी ग्राफिक डिजाइन अवाड अशोकमान सिं व अमात्य कला सिरपाः कलाकार रत्नकाजी शाक्ययात, हेम-गंगा युवा कला प्रतिभा सिरपाः, हेम-गंगा नारी कला प्रतिभा सिरपाः, क्यान सिस्डेल आर्ट सिरपाः व निर्वाण कला सम्मान नापं चराचुरंगीपाखे सुदीप बस्याल, सम्भन्ना राजभण्डारी, मानकाजी श्रेष्ठ, मुकुन्द प्रयासयात लःल्हागु खः।



चित्रकार अजय देशारयात क्यान आइडियल कला सिरपाः व नारायणदेवी स्मृति सिरपाः पत्रकार श्याम स्मृतयात लःल्हागु खः।

अथे हे क्यान सिस्डेल आर्ट सिरपाः बालकृष्ण स्मृति कला, कलाकार लिलाधर केसी,

राजेश मानन्धर कार्टून अवाड, पानसिड तोमार, ठाकुरप्रसाद-इन्दिरा मैनाली मूर्तिकला सिरपाः कलाकार चन्द्रमणि मगर, ऋचा मैनाली रिजाल स्मृति सिरपाः कलाकार अनमारी तामाड नाप मनबहादुर जितीमाया पुन साइन आर्ट सिरपाः भुवन गुरुडयात लःल्हागु खः।

दबूयात विश्वव्यापीकरण याय्त सहलह



लहना वाःपौ/वरिष्ठ प्रविधि विज्ञ व उद्यमी एलेन बैलोचन तुलाधरं सूचना प्रविधिया युगय् नेवार समुदाय नं प्रविधिनिसें न्ह्याःवनेमाःगु खँ धयादीगु दु।

पुस १९ गते शनिवाः कीर्तिपुरया ससः त्वाल्य ग्वसाः ग्वःगु हलिं नेवाः दबू नेपाल च्याटरया न्ह्यु निर्वाचित कार्यसमितिंयात लसकुस यासं नेवार भूमण्डलीकरण विषयस जूगु सहलह ज्याइवःयात सम्बोधन यासं वय्कलं थ्व बिचाः प्वकादीगु खः।

नेपाः च्याटरया सल्लाहकार कथं

मनोनित जुयादीम्ह तुलाधरं प्रविधिया विकास तीव्र गतिं जुयाच्चंगु व लिपांगु इलय् एआइपाखे छु वास्तविक खः व छु सिर्जना जूगु धइगु छुटे यायेत थाक्याच्चंगु खँ कनादिल।

दबू जर्मन च्याटरया नायः व युरोप संयोजक कुमार नापितं नेवार संस्कृति, भाषा व भेषभूषाया संरक्षणया नितिं ल्याय्म्ह पुस्तां सक्रिय रुपं ज्याइवःत न्ह्यःने यंकाच्चंगुलिं लसता प्वकादिल।

लिसें वय्कलं नेवारया नसाज्वलंयात अन्तरीष्ट्रिय स्तरय् दुत

हयेत सासा त्वाया महत्वपूर्ण भूमिका दुगु खँ न्हयथनादिल।

अथे हे एनआरएनया उपाध्यक्ष रोजिना प्रधान राई नं आः एनआरएन छपं जूगु न्हयथनादिसं छुं समस्या जूसा जानकारी वीत इनाप यानादीगु दु।

नेपाःपाखे दबू केन्द्रीय समितिंया उपाध्यक्षय् निर्वाचित जूम्ह नेपाः च्याटरया पुलांम्ह नायः सुरेन्द्रभक्त श्रेष्ठ नेवार उत्पादनयात विश्वव्यापीकरण यायेत दबू छ्मू सेतुया रुपय् ज्या याइगु खँ कनादीगु दु।

ज्याइवल्य दबू नेपाल च्याटरया पुलांम्ह नायः व केन्द्रीय समितिंया पुलांम्ह उपाध्यक्ष शाक्य सुरेनं लसकुस यानादीगु खःसा दबू नेपाः च्याटरया नायः रमेशमान मुनिकारं सुभाय् देछाःगु खः।

ससःत्वाःया नायः फिरोज सिंहया अध्यक्षताय् जूगु ज्याइवल्य दबूया नेपाः च्याटरया मनोनित दुजःपिन्त मनोनयन पौ बियाः सम्मान याःगु खःसा आजीवन दुजःपिन्त दसिपौ लःल्हागु खः।

यल मनपा ११ वडा सदस्य शाक्य मन्त

लहना वाःपौ/ यलमहानगरपालिकाया पुलांम्ह कार्यपालिका दुजः नाप यल महानगरपालिका-११ वडाया मिसा दुजः आपुलु शाक्य आकाभाकां मन्त।

ताः ई न्हयवनिसे क्यान्सर ल्वचं पीडित जुयाच्चम्ह शाक्य वंगु शुक्रवाः



जःलाखःला ...

ज्या पूर्वगुली लसता प्वकादिसं थःपिनि ग्वसालय् वडगु माघ ९ गते विष्णुदेव धिमे बाजा तथा बाँसुरी खलःया ग्वसालय् नागार्जुन नगरपालिकाया सहकार्यय् धिमे बाजं धेंधेंबल्ला कासा जुइत्यंगु खँ कनादिल।

हल्चोक आकाश भैरवनाथ गुठीया नायःपिं शेर बहादुर पुतुवार व अर्जुन पुतुवारया मंकाः नायःसुइ न्ह्याःगु ज्याइवल्य नेपाली काँग्रेस नागार्जुन नगरपालिका ३ वडाया सभापति दिपेन्द्र श्रेष्ठ न्वचु तयादीगु हलिं नेवाः दबूया केन्द्रीय उपाध्यक्ष सुरेन्द्रभक्त श्रेष्ठ, नेवाः पत्रकार राष्ट्रिय दबूया नायः नृपेन्द्रलाल श्रेष्ठलिसें स्थानीय खलःपुचःया नायःपिनि ब्वति दुगु खः।

मातृभाषा सम्मेलनय् ...

इलय् पत्रकारिता भाषा-संस्कृति बचे यायेगु नितिं महत्वपूर्ण भूमिका मिहेतुगुलि बः बीगु ज्या जूगु खँ नेपाःपाखे ब्वति कयादीम्ह पत्रकार राजु नापितं धयादीगु दु।

वय्कलं धयादिल, 'बहुभाषा, बहुसंस्कृति दुगु देय् दक्षिण एसियाया पत्रकारतय्सं पत्रकारितापाखे लोप जुया वनाच्चंगु, लोप जुइगु भूवल्य व लोपोन्मुख भाषा, संस्कृति गथे

यानाः बचे याये फइ धइगु विषय सहलह खः।'

सार्क जर्नलिस्ट फोरम बिहारया अध्यक्ष नाप मानव अधिकार टुडेया सम्पादक शशिभूषण कुमारया अध्यक्षताय् जूगु सम्मेलनया मूपाहाँ सिक्किम राज्यपाल गंगाप्रसाद भ्यायादीगु खः। सम्मेलनय् मौरिससया पुलांम्ह उपप्रधानमन्त्री हरिश बुद्धया जहान नापं अन्तरीष्ट्रिय संस्कृति संवाहिका डा.सरिता बुद्ध, सार्क जर्नलिस्ट फोरमया अन्तरीष्ट्रिय अध्यक्ष राजु लामा नाप थाइल्याण्डया प्रतिनिधि डा.पी.सी. चन्द्रा लगायत विदेशपाखे स्वगू दर्जनसिबे अचः प्रतिनिधिपिसं ब्वति काःगु खः।

सम्मेलनय् पत्रकार दबूया अध्यक्ष नृपेन्द्रलाल श्रेष्ठ व सचिव राजु नापितयात नं मातृभाषा पत्रकारिता यानाच्चंगुलि नालन्द विश्वविद्यालय अवाड नाप बिहार गौरवं सम्मान याःगु खः। अथे हे सम्मेलनय् सदाब मलिक, दिपेन्द्र प्रजापति, अभिलाष गुप्ता, शैलेश गुप्ता, चडन कुमार, राजन कुमार सिंह व सुभास रामयात न अवाड लःल्हागु खः।

सम्मेलनय् नालन्दा विश्वविद्यालयया ऐतिहासिक भन्नावशेष नापं नालन्दाया ऐतिहासिक महत्व, शैक्षिक परम्परा व प्राचीन वैभव बारे जानकारी बिउगु खः।

प्रचलित नेपाललिपिं पिहाँ वयाच्चंगु
म्हसीका लय्पौ ब्वनादिसं/ब्वंकादिसं

महीना लय्पौ
MHASIKA Monthly | म्हसीका मासिक

वतु त्वाः मिसा जः शैक्षिक हनेज्याइवः



लहना वाःपौ/मांभाय् छु यलाबुला उपसमिति श्री नाथेश्वर छुट गुथि परम्परागत वतु त्वाःया खसालय् त्वाःया मिसा जः शैक्षिक हने ज्याइवः जुल । यै मनपाया उपप्रमुख सुनिता डंगोलया मूपाहोसुइ जूगु ज्याइवल्य वतु त्वाःया एसईई स्वयां च्वय्या तर्गि

ताःलाये धुंकूपि १०८ म्ह मयजुपिन्त हनेज्या याःगु खः । ज्याइवल्य सम्मानित जुयादीपिन्त भिंतुना देछासैं उपप्रमुख डंगोल मस्तयूत मचांसैं हे मांभासं खँल्हाबल्हा याके माःगु खँय् बः बियादिल । नेवाः न्हयलुवा मल्ल के.

सुन्दर विशेष पाहॉकथं भायादीगु ज्याइवः गुथिया नायः शान्तराज शाक्यया सभापतित्वय् न्ह्याःगु खः । ज्याइवल्य गुथिया न्वकु पन्नारत्न महर्जनं मांभाय् संरक्षणया निरिति वतु त्वालं न्ह्याकावयाच्चंगु गतिविधिया बारे जानकारी बियादीगु खः ।

गुथिया छ्याञ्जे दीपक महर्जनं न्ह्याकूगु ज्याइवल्य त्वाः थाकुलि रामबहादुर (माइला) महर्जन, यै मनपा २२ वडाया नायः चिचिकाजी महर्जन, ज्यापु महागुथि नेपाः यै महानगर समितिया नायः पञ्चनारायण महर्जन, अधिवक्ता रमेश महर्जनलिसैया व्यक्तित्वपिनि ब्वति दुगु खः ।

गायक उजं व मूर्तिकार ज्ञानबहादुर सम्मानित



लहना वाःपौ/ नेपाली सांगीतिक ख्यलय् लोक ह्वानाच्चमह उजं शाक्ययात छगू ज्याभूवया हंगु दु । श्री भाष्करदेव संस्कारित केशचन्द्रकृत पारावत् महाविहार इतुबाहाः संरक्षण समाजया २० क्वःगु साधारण सभाय् गायक उजं शाक्य व मूर्तिकार ज्ञानबहादुर शाक्ययात इतुबाहाः संरक्षण समाजया अध्यक्ष प्रज्ञारत्न शाक्य दोसल्ला न्यय्कां हनापौ लःल्हाःगु खः ।

गायक उजं शाक्य थःगु थासय् सम्मान जुइ दयाः तसकं लयतागु खँ

दु । शाक्य इतुबहाःया हे काय् मचा खः । वय्कःया मैचा, बेबी, कुमारी लगायत म्ये तसकं लोकह्वाः ।

अथे हे मूर्तिकार शाक्य आर्थिक रुपं स्वयां पुण्य दइगु बिचाः यानाः थःमहं बुद्धमूर्ति दयेकेगु ज्या यानागु खँ धयादिल । वय्कलं इतुबहाःया ध्यानकुथीइ स्थापना यायेत बुद्ध, धर्म व संघया स्वगू मूर्ति निर्माण यानादीगु खः । मूर्तिकार शाक्यया कथं उगु स्वंगु बुद्ध मध्यय् प्रज्ञापारमिता (संघ) या मूर्ति 'मास्टरपिस' खः धका धयादीगु दु ।

मिस लिटिल नेवाःया ट्यालेन्ट शो

लहना वाःपौ/मिस लिटिल नेवाः ज्याइवल्य ब्वतिकाःपिं नीम्ह नेवाः मय् जुपिन्स थःगु प्रतिभा न्हयब्वेगु ज्याइवः क्वचाल । नेप्लीज फेसन होम दैय्दसं खसाभवयाच्चंगु 'मिस लिटिल नेवाः' या १५ क्वःगु संस्करण कथं न्ह्यानाच्चंगु ज्याइवःया ट्यालेन्ट शो शनिवार क्वचागु खः ।

गौशालास्थित होटेल पौवाय् जूगु ट्यालेन्ट शोखे मिस लिटिल नेवाःया ९ दै निसें १३ दै तकया मिसा मचापिन्स थःगु प्रतिभा न्हयब्वःगु खः ।

प्रतिभा न्हयब्वेगु इवल्य हुलाप्याखं, स्केटिङ, जिम्न्याष्टिक, चित्रकला, भ्वाइलीन वादन, धिमे वादन, कुमारी व बज्रयोगिनी चर्चाप्याखं, चित्रकला न्हयब्वःगु खः ।

ट्यालेन्ट शो ज्याइवल्य अधिवक्ता लक्ष्यमान महर्जन, लायन्स क्लब काठमाडौं डिष्ट्रिकया सल्लाहकार मनकृष्ण श्रेष्ठ, डा. शिक्षिता श्रेष्ठ,



नमुना फेसन कलेजया भाईस पिन्सपल जिवेस्वरलाल श्रेष्ठ, बाँसुरीवादक सचिन महर्जन, नेवाः सँकिपा अभिनेत्री हिसिला महर्जन, नेवाः भाय् प्रशिक्षक राजु नापित व मिस लिटिल नेवा नयना शाक्य निर्णायक कथं च्वनादीगु खः ।

मिस लिटिल नेवाःया फाइनल वइगु माघ ५ गते यै जुइत्यंगु दु । ज्याइवःया क्वरियोग्राफी मिस नेवाः सकिना महर्जन, मिस नेवाः प्रलिशा शाक्य व मिस नेवाः सामाजिक कल्याण एम्बासडर चिफ तिमिला महर्जन

यानादीगु दुसा संयोजन मिस नेवाः कृषा महर्जन यानादीगु दु ।

मिस लिटिल नेवाः-११४५ य सफू बज्राचार्य, नेभा डंगोल, क्रिस्टिना खड्गी, श्रेया बलामी, प्रिन्सिका शाही, आरोग्या महर्जन, समृद्धि खड्गी, आन्या महर्जन, सुरवी बज्राचार्य, अर्शिया महर्जन, देजला शाक्य, रिपान्शी श्रेष्ठ, सचिका महर्जन, रोजलिन शाक्य, श्रीषा श्रेष्ठ, सहिना शाक्य, बिदिशा महर्जन, क्रिस्टिना महर्जन, सस्था मानन्धर र लिडिया महर्जन ब्वति काःगु खः ।

भाषा र संस्कृतिको संरक्षण तथा प्रवर्धन गरौं ।

- मौलिक संस्कृतिको रक्षा गरौं ।
- राष्ट्रिय पोशाक तथा मौलिक संस्कृति प्रति गौरव गरौं ।
- मातृभाषाको सम्मान गरौं ।
- परम्परागत कला, संगीत, नृत्य र खानेकुराको संरक्षण तथा प्रवर्धन गरौं ।
- महत्वपूर्ण सभा, समारोह, विवाह, पर्व तथा उत्सवमा राष्ट्रिय पोशाकलाई प्राथमिकता दिऔं ।
- सांस्कृतिक धरोहर, गुठी, मठ, मन्दिर तथा ऐतिहासिक स्थलहरूको संरक्षण र प्रवर्धन गरौं ।
- सन्ततिलाई मौलिक संस्कृति, रीतिरिवाज तथा परम्पराको जानकारी गराऔं ।
- आधुनिकता र प्रविधिसँगै आफ्नो मौलिक परम्परा जोगाऔं ।



नेपाल सरकार

विज्ञापन बोर्ड

छत्रपाटी निःशुल्क चिकित्सालय (अस्पताल)

"स्त्रीय शूलभ स्वास्थ्य सेवा सकसिया निति, असहायया निति जक निःशुल्क"

उपलब्ध सेवा	शल्यक्रिया	बहिरङ्ग सेवा	सेमेगु सेवा
<ul style="list-style-type: none"> इमरजेन्सी प्याथोलोजी एक्स रे ई.सी.जी. औषधि पसल अन्तरंग सेवा सिटी स्वयाण 	<ul style="list-style-type: none"> गोतिवन् ज्वरन हन्दी नाक कान घाँटी सम्बन्धि हाडबन्दी तथा नसा सम्बन्धि लिवा निरधार पिताक ननीको पत्कर सम्बन्धि 	<ul style="list-style-type: none"> मुटु रोग पेट रोग मुटुबन्धी स्त्री रोग बाल रोग ज्वरमर रोग हृदय रोग अर्धरोग ज्वरन मेडिसिन धर्म तथा दीन रोग नाक कान घाँटी रोग ज्वरन हन्त जक अथ नाइरोइड मधुमेह 	<ul style="list-style-type: none"> डिपिङ दुग्धीरुकीपी कोलोमोरुकीपी फिजियोथेरापी बन्दावाज्य, कनट इन्धर र इसे मुलेके नसाको कनट उपचार टि.एस.टि. इन्धर सेमेघाम

२४ घण्टा

इमरजेन्सी सेवा

७०८ गंगालाल मार्ग, छत्रपाटी, काठमाडौं, फोन: ५३१६१३८, ५३५७९११, ५३६६२२९